



ԱՌԱՋՆՈՐԴԱՐԱՆ ՀԱՅՈՑ

Ա.Մ. ՆԱՅԱՆՎԵՐՈՒ ԱՐԵՄՏԵԱՆ ԹԵՄԻ

WESTERN PRELACY

OF THE ARMENIAN APOSTOLIC CHURCH OF AMERICA

H.E. ARCHBISHOP MOUSHEGH MARDIROSSIAN, PRELATE

Tel: 818-248-7737/8, Fax: 818-248-7745

E-mail: Prelacy@aol.com Website: www.westernprelacy.org



35ՐԴ ՎԵՐԱՄՈՒՏ՝ ԱԶԳ. ՎԱՅԱՆ ԵՒ ԱՆՈՒՇ ՇԱՄԼԵԱՆ ՎԱՐԺԱՐԱՆԻ

Կլենտելյի մտակայ բարձունքներուն ծագած հրդեհներուն յաղթահարումէն ետք, Չորեքշաբթի, 9 Սեպտեմբերին Ազգային Վահան եւ Անուշ Շամլեան վարժարանը ունեցաւ վերամուտի իր իւրայատուկ պահը, մանաւանդ որ վարժարանը այս տարի կը տօնէ իր 35րդ տարեդարձը:

Վարժարան ժամանող աշակերտներն ու ծնողներ դիմաւորուեցան այս ամեակը խորհրդանշող զարդերով ու յարդարանքով: Վերամուտի հանդիսութեան նախագահեց Թեմիս բարեջան Առաջնորդ Բարձր. Տ. Սուշեղ Արք. Մարտիրոսեան: Սրբազան Հօր կ'ընկերանային Կրօնական Ժողովի ատենապետ Գերայ. Տ. Միւռն Ծ. Վրդ. Ազնիկեան եւ Ս. Աստուածածին եկեղեցւոյ հոգեւոր հովիւները: Ներկայ էին Կլենտելյի քաղաքապետ Տիար Ֆրէք Բուէնթերօ, քաղաքապետական խորհուրդի անդամ՝ Տիար Արա Նաճարեան, վարժարանի Ուսումնական Մարմինի ատենապետուհի Տիկին Արմինէ Խաչատուրեան, պատուիրակուծին մը՝ Լա Զրեսենթայի հրշէջներէն եւ Կլենտելյի հրշէջներուն պատասխանատուն, ինչպէս նաեւ վարժարանի համակիրներ ու ծնողներ:

Աղօթքի աւանդական պահէն ետք, յաջորդաբար խօսք առին վարժարանի փոխ տնօրէնուհի Տիկին Ռիթա Գաբրիէլեան, Կլենտելյի քաղաքապետը, վարժարանի տնօրէն Տիար Վազգէն Մատենլեան, եւ Ուսումնական Մարմինի ատենապետուհին: Հանդիսավարն էր վարժարանի ուսուցիչներէն Տիար Սարօ Նազարեան: Վարժարանի տնօրէնութիւնը խորհրդանշական նիւթական նուէրով մը յարգեց յիշատակը այն երկու հրշէջներուն, որոնք հրդեհներու օրերուն պարտականութեան ճամբուն վրայ զոհ գացած էին արկածի մը:

Առաջնորդ Սրբազան Հայրը շնորհաւորեց վարժարանի մեծ ընտանիքը՝ 35-ամեակին առիթով, ապա, իր օրհնութիւններն ու յաջողութեան մաղթանքները փոխանցեց վարժարանի տնօրէնութեան, աշակերտներուն եւ ծնողներուն:

Հանդիսութեան աւարտին, 35 սպիտակ աղանիներ արձակուեցան, իբրեւ խորհրդանշիչ՝ վարժարանին 35 տարիներու թռիչքին:

ԱՐԻ ԿԻՐԱԿՈՍ ՄԻՆԱՍԵԱՆ ՎԱՐԺԱՐԱՆԻ ՎԵՐԱՄՈՒՏԸ

Երեքշաբթի, 8 Սեպտեմբերին, Առաջնորդ Սրբազան Հայրը այցելեց Օրենճ Բաունթի Ազգային Արի Կիրակոս Սինասեան վարժարանը, ուր դիմաւորուեցաւ Սրբոց Բառասնից Մանկանց եկեղեցւոյ հոգեւոր հովիւ՝ Արժ. Տ. Հրանդ Բնկ. Երեցեանի, Ազգային Վարչութեան ատենապետ՝ Դոկտ. Կարօ Յակոբեանի, Ս. Բառասնից Մանկանց եկեղեցւոյ հոգաբարձութեան ատենապետ Տիար Գեորգ Տեր Ալեքսանեանի, փոխ ատենապետ Տիար Սարգիս Տեր Դաւիթեանի, վարժարանի Ուսումնական Մարմինի ատենապետ՝ Զրիս Կիւրճեանի, վարժարանի տեսչուհի՝ Տիկին Գոհար Պալիկեան-Չահերի, ուսուցիչներուն եւ ծնողներուն կողմէ: Նշենք, որ վարժարանին նախակրթարանի բաժինը անցեալ շաբաթ ունեցած էր վերամուտը, իսկ Երեքշաբթի օր տեղի ունեցաւ Մանկապարտեզին վերամուտն ու վարժարանի վերամուտի պաշտօնական հանդիսութիւնը:

Առաջնորդ Սրբազանը այցելեց վերանորոգուած դասարանները եւ համակարգիչներու կահաւորուած սենեակը: Աւելի ուշ, վարժարանի շրջափակին մէջ հաւաք մը տեղի ունեցաւ, ներկայութեամբ աշակերտներուն եւ ծնողներուն: Աշակերտները արտասանեցին Տերունական Աղօթքը, ողջոյնի խօսք ուղղեց վարժարանի տեսչուհին, ապա իրագործուեցաւ կոկիկ յայտագիր մը: Առաջնորդ Սրբազանը փոխանցեց իր օրհնութեան ու բարեմաղթութեան խօսքը: Խօսք առաւ նաեւ Դոկտ. Կարօ Յակոբեան: Հաւաքը վերջ գտաւ յիշատակի խմբանկարով մը:

Յայտնենք նաեւ, որ Ուրբաթ, 11 Սեպտեմբերի առաւօտուն, Առաջնորդ Սրբազանը այցելեց Փասատիւնայի Լեւոն եւ Յասմիկ Թաւեան Ազգային Մանկամտօր-Մանկապարտեզը: Առաջնորդ Սրբազան Հօր կ'ընկերանար Ս. Սարգիս եկեղեցւոյ հոգեւոր հովիւ՝ Արժ. Տ. Խորէն Բնկ. Պապօշեան: Առաջնորդ Սրբազան Հայրը օրհնեց վարժարանի աշակերտներն ու անձնակազմը եւ յաջող տարի մը մաղթեց բոլորին:

Վերամուտի արարողութիւններու ծիրին մէջ, յայտնենք, որ Հոգ. Տ. Պարթեւ Վրդ. Կիւլիւմեան ներկայ եղած էր Ազգ. Մեսրոպեան վարժարանի վերամուտի հանդիսութեան ու փոխանցած՝ Առաջնորդ Սրբազանին պատգամն ու բարեմաղթութիւնները:

PRELATE VISITS CHAMLIAN AND MINASSIAN SCHOOLS

After a week's delay due to the fire in the Angeles National Forest, on Wednesday, September 9th, 2009, Vahan and Anoush Chamlian School opened its doors to start the 2009-2010 school year.

H.E. Archbishop Moushegh Mardirossian, Prelate, presided over the opening ceremony, which was particularly special this year given that the school will be celebrating its 35th anniversary. Joining the Prelate at the opening were Very Rev. Fr. Muron Aznikian and pastors of St. Mary's Church. Also in attendance were Glendale Mayor Frank Quintero, Glendale City Council member Mr. Ara Najarian, Chamlian school board Chair Mrs. Armineh Khachadourian, members of the La Crescenta and Glendale Fire Departments, supporters, and parents.

Following the opening prayer, remarks were offered by Vice-Principal Mrs. Rita Kaprielian, Mayor Quintero, Principal Mr. Vazken Madenlian, and the school board chair. The Master of Ceremonies was Mr. Saro Nazarian.

In his remarks, the Prelate congratulated the school on the occasion of their 35th anniversary and conveyed his blessings and wishes for a successful school year to the administration, students, and parents. During the ceremony, the school administration honored the memory of the two firefighters who lost their lives fighting the wildfires through a donation to their families. The release of thirty-five doves symbolizing the 35th anniversary of the school concluded the ceremony.

A day before, the Prelate visited Ari Guiragos Minassian School in Orange Country and presided over the opening ceremony. Upon his arrival the Prelate was greeted by pastor of Forty Martyrs Church Rev. Fr. Hrant Yeretjian, Executive Council Chair Dr. Garo Agopian, Forty Martyrs Church Board of Trustees Chair Mr. Kevork Der Alexanian and Vice-Chair Mr. Sarkis Der Tavitian, school board Chair Mr. Chris Gourjian, acting principal Mrs. Kohar Zaher, teachers, and parents.

The Prelate visited the newly renovated classrooms and the new computer lab, then to the courtyard where students and parents had assembled for the official program. The students recited the Lord's Prayer, after which Mrs. Zaher offered welcoming remarks. Following the artistic program, the Prelate conveyed his blessings. Remarks were also offered by Dr. Agopian.

On the morning of Friday, September 11th, the Prelate visited Levon and Hasmig Tavlian Pre-School in Pasadena and conveyed his blessings to the students and administration. The Prelate was accompanied by pastor of St. Sarkis Church Rev. Fr. Khoren Babochian.

On Thursday, September 10th, Very Rev. Fr. Barthev Gulumian presided over the back to school ceremony at Mesrobian School in Montebello and conveyed the Prelate's message.